



НИЙСЛЭЛИЙН ОНЦГОЙ БАЙДЛЫН ГАЗРЫН ДАРГЫН ТУШААЛ

2022 оны 01 сарын 24 өдөр

Дугаар А/05

Улаанбаатар хот

Дотоод хяналт, шалгалт зохион байгуулах тухай

Гамшгаас хамгаалах тухай хуулийн 30 дугаар зүйлийн 30.1.16, 30.2, 30.3, Төрийн хяналт шалгалтын тухай хуулийн 7 дугаар зүйлийн 7.2, Засгийн газрын 2020 оны 206 дугаар тогтоолын 2 дугаар заалт, Монгол Улсын Шадар сайдын 2018 оны 107 дугаар тушаалаар батлагдсан “Онцгой байдлын байгууллагын үйл ажиллагаанд дотоод хяналт, шалгалт, зохион байгуулах журам”, Онцгой байдлын ерөнхий газрын даргын 2020 оны А/236 дугаар тушаалыг тус тус үндэслэн ТУШААХ нь:

1. Тус газрын 2022 оны үйл ажиллагаанд төлөвлөгөөт болон төлөвлөгөөт бус дотоод, хяналт шалгалт болон бүтцийн нэгжүүдийн үйл ажиллагааг үнэлж, дүгнэх ажлыг зохион байгуулсугай.

2. Дотоод хяналт, шалгалт зохион байгуулах удирдамжийг нэгдүгээр, хяналт шалгалтын ажлыг зохион байгуулах чиглэл, хуваарийг хоёрдугаар, дотоод нэгжүүдийн үйл ажиллагааг үнэлж, дүгнэх шалгуур үзүүлэлтийг гуравдугаар, дүүргийн Онцгой байдлын хэлтсийн үйл ажиллагааг үнэлж, дүгнэх шалгуур үзүүлэлтийг дөрөвдүгээр хавсралтаар тус тус баталсугай.

3. Тушаалын хэрэгжилтэд хяналт тавьж ажиллахыг Тэргүүн дэд дарга (хурандаа Д.Мөнхсайхан)-д даалгасугай.

ДАРГА,
ХУРАНДАА



А.ДАШНЯМ

Нийслэлийн Онцгой байдлын газрын даргын
2022 оны 01 дүгээр сарын 27-ний өдрийн
А/05 тушаалын нэгдүгээр хавсралт

НИЙСЛЭЛИЙН ОНЦГОЙ БАЙДЛЫН ГАЗРЫН БҮТЦИЙН
НЭГЖҮҮДЭД 2022 ОНД ХИЙХ ДОТООД ХЯНАЛТ ШАЛГАЛТЫН
УДИРДАМЖ

Зорилго: Нийслэлийн Онцгой байдлын газрын 2022 оны гүйцэтгэлийн төлөвлөгөө, холбогдох хууль, тогтоомж, дүрэм журам стандарт, үйл ажиллагааны зорилт, хөтөлбөр төлөвлөгөөний хэрэгжилтийн явц, үр дүнд хяналт шинжилгээ, үнэлгээ хийх, бие бүрэлдэхүүний сахилга хариуцлага дэг журмыг сахиулах, илэрсэн зөрчлийг арилгуулахад оршино.

Нэг.Хамрах хүрээ

1.1.Нийслэлийн Онцгой байдлын газрын Дотоод хэлтсүүд, Гамшгаас хамгаалах сургалт, арга зүйн төв, Аврах анги, Дүүргийн Онцгой байдлын хэлтсүүд, Гал түймэр унтраах, аврах ангиуд хамрагдана.

Хоёр. Шалгалт явуулах ажлын чиглэл

2.1. Хяналт шалгалт нь энэхүү журмын зорилтыг хэрэгжүүлэх ажлын хүрээнд төрийн үйлчилгээний чанар хүртээмж үр дүнг тооцох, хяналт тавих, илэрсэн зөрчил түүний шалтгаан нөхцөлийг тогтоох, удирдлагыг бодит мэдээллээр хангах, зөрчил дутагдлыг арилгах арга хэмжээг шуурхай авч хэрэгжүүлэх, байгууллагын үйл ажиллагааны чадавхыг сайжруулахад чиглэгдэнэ.

2.2. Хууль тогтоомж, дүрэм журам, заавар, тушаал шийдвэр, үүргийн хэрэгжилт,

2.3. Гал унтраах зориулалтын болон аврах ажиллагааны автомашин, техник хэрэгслийн бүрэн бүтэн байдал, хадгалалт хамгаалалт, агуулахын бүртгэл, баталгаажуулалт,

2.4. Гал түймэр унтраах, аврах ангиудын өдөр тутмын цагийн хуваарьт тусгагдсан хичээл сургалт, албаны бэлтгэл бэлэн байдлыг хангуулах чиглэлээр авч хэрэгжүүлсэн арга хэмжээ,

2.5. Гал түймэр унтраах, аврах ангийн томилгоот ээлжийн хөдөлмөрийн аюулгүй байдал, эрүүл ахуй, амьсгалын бие даасан төхөөрөмжийн бүртгэл хөтлөлт, аюулгүй ажиллагаа,

2.6. Алба хаагчдын цаг ашиглалт, сахилга ёс зүй, цэргийн алба, дэг журам, зохион байгуулалтын алдаа дутагдлыг илрүүлэх, илэрсэн зөрчил дутагдлыг арилгуулах,

2.7. Архив албан хэрэг хөтлөлт, бичиг баримтын боловсруулалт, стандартын хэрэгжилт,

2.8. Гал түймрийн улсын хяналт болон гамшгаас хамгаалах улсын хяналтын чиглэлээр хэрэгжүүлж буй ажлын явц, үр дүн,

2.9. Санхүүгийн сахилга батыг дээшлүүлэх чиглэлээр тус тус хяналт шалгалтыг зохион байгуулна.

Гурав. Шалгалтын бүрэлдэхүүн, хугацаа

1.1. Удирдлагын шийдвэр болон мэдээллээр төлөвлөгөөт болон төлөвлөгөөт бус хяналт шалгалтыг явуулна.

1.2. Шалгалтыг дотоод хяналт шинжилгээ үнэлгээ, эрсдэлийн удирдлагын тасгаас удирдан зохион байгуулж, шаардлагатай тохиолдолд бусад чиглэлийн мэргэжилтнүүдийг татан оролцуулж хийж гүйцэтгэнэ.

Дөрөв. Хяналт, шалгалтыг дүгнэх, тайлагнах

4.1. Хяналт шалгалт хийсэн тэмдэглэл, хяналтын хуудсыг шалгалтын бүрэлдэхүүн гарын үсгээр баталгаажуулан, хяналт шалгалтын үр дүнг удирдлагад танилцуулж гарсан шийдвэрийг хэрэгжүүлж ажиллана.

4.2. Хяналт шалгалтын дүн нь нэгжийн улирал, хагас бүтэн жилийн ажлыг дүгнэхэд харгалзах үзүүлэлт болно.

---oOo---

